

Nunami namminermi Takornariartitsisarnermut periusissaq 2012-2015

NAALAKKERSUISUT
GOVERNMENT OF GREENLAND



Imai

1.0	Siuleqtsiussaq.....	3	5.0	Nunap immikkoortuini ataasiakkaani suliniuteqarnerit.....	12	8.0	Periusissatigut suliniuteqarneq – inatsisit.....	17
2.0	Pingaarnertut eqikkaaneq.....	4	6.0	Periusissatigut suliniuteqarneq – tuniniaalluni nittarsaassineq.....	13	9.0	Periusissatigut suliniuteqarneq – misigisassarsiornermi inuussutissarsiorneq.....	19
3.0	Aallaqqaasiut.....	6	7.0	Periusissatigut suliniuteqarneq – tikikkuminassuseq.....	15	10.0	Periusissatigut suliniuteqarneq – kisitsisitigut paasissutissat/uppernarsaatit.....	20
4.0	Ineriartorneq, siuariartortitsinissamut periarfissaqarfiusut aamma suliniuteqarfissat.....	8						

Nunami namminermi Takornariartitsisarnermut periusissaq 2012-2015

Suliarinera: Info Design ApS · Nuuk 2012

NAALAKKERSUISUT
GOVERNMENT OF GREENLAND



1.0 Siuleqtsiussa

Takornariartitsineq misigisassarsiortitsillunilu inuussutisarsariuteqarneq ukiuni aggersuni annertuumik siuariartorfiussatut Naalakkersuisut isigaat. Kalaallit Nunaanni siuariartortitsivinnermik pilersitsinissamut periarfissaqarluarpoq. Takornariartitsisarneq sumiiffinnut avinngarusimasuniittunut arlalinnut annguttarpoq, tassani najukkani isertitaqarnissamut ingerlataqarnissamullu innuttaasut ikittuinannnguit, aningaasaqarnikkut nutaanik tapertaqarnissaq periarfissaqarfiulertarluni. Takornariartitsinerup misigisassarsiortitsillunilu inuussutisarsariuteqarnerup ineriartortitsinissaq Naalakkersuisut ukiorpassuarni pingaartittorujussuusimavaat. Taamaattumik ukiuni kingullerni suliniuterpasuit nutaat malinnaaffigisinnaaneri nuannaarutissaavoq. Minnerunngitsumillu: suliniutit sulii annertunerusumik najukkani pisinnaanngorlugit ingerlanneqarmata. Assersuutissat aalajangersimasut marlussuit taariarlakka.

Maannakkorpiaq umiarsuarnik takornariartaatinik takornariartitsisarneq annertusiartuinnarani, aammali umiarsuit sumiiffinnut tikikkuminaatsunut tikittalernerat misigisalerparput, taamaallillunilu tamanna takornariaqarnerup ineriartortinneqarneranut peqataanissamut periarfissaqarfiulertarluni. Tamanna sumiiffinni taakkunani nutaanik kaaviiartitaqalernissamik aammalu najukkami nutaanik suliffissanik pilersaqarneranik kinguneqarpoq. Misigisaq taamaattoq Kalaallit Nunaata kujataani aamma misigivarput, savaatillit unnuiffissanik alianaalluinnartunik atugassiinermikkut allatigut isertitaqarnertik nunalerinnermut tapertarimmasuk. Tunumi piniartut kalaallit piginnaasatik pingaarnerit atorluartarpaat, takornariat qimussernermik ilinniartittarlugit qimussersinnaanermut allagartartaartillugit. Taamaaliornikkut takornarianut nunanit allaneersunat aammalu nunami namminermeersunat nuannaarutaasumik misigisassanik

asseqanngitsunik nutaanik ingerlaavartumik ineriartortitsisoqarpoq.

Allatut oqaatigalugu takornariartartuutitsinnut misigisassat imartoorsuit aamma nutaat periarfissiiffiusinnaasut amerliartorput, tamannalu takornariaqarnerup nunanit allamiut aningaasaannik ataatsimut katillugit isertitat 10%-iilik ilapittuisarneranik takuneqarsinnaavoq. Tamanna neriulluarnarpoq – aammalu ineriartorneq taanna Naalakkersuisut taper-sersueqataaffigerusuppaat. Ilaatigut sumiiffikkaani suliffeqarfiit pinngortitami sumiiffinnut aalajangersimasunut niuerner-mik tunngaveqartumik piujuartussatullu isikkoqartumik ineriartortitsinissaminut periarfissaqarfisaminut ingerlatsinissamut akuersisummik pissarsisinnaanissaannik periarfissanik misissuinikkut. Suliniutit tamakku suliffinnik nutaanik kinguneqartussaasariaqarput, inuussutisarsariutitullu aningaasaliiffigissallugit soqutiginaateqassallutik.

Takornarianut nutaanik misigisassarsiortitsinissamik pisariaqartitsisoqartoq qularnangilluinnarpoq. Islandimut timmisartumik aqqutissat malunnaateqarluartumik amerlisimapput. Københavnimut aamma Keflavik-imut timmisartuussisoqartarmat Kalaallit Nunaat taamaallillu angallannikkut eqiteruffinnik pingaaruteqarluinnartunik marlunnik periarfissaqarpoq. Taamaattumik Kalaallit Nunaat siuariartorfiusunik nutaarluinnarnik niuerrinnullu nutaarluinnarnut periarfissaqalersitsisunik atugassaqalerpoq.

Takornariaqatigiikkaat takornariallu assigiinngitsut nutaat nunatsinnut tikittalertarput, assersuutigalugu immikkut ilisimasallit aamma niuerner-mik suliaqartut nunanit allaneersut, sunngiffitsik sivikitsuinnaq atorlugi naliitsunik misigisassarsioqattaareerlutik aallaqqittarlutik.



Naggataatigut: Kalaallit Nunaata nukittoqutaa annertoog tassaavoq nunap assigiinngisitaartuunera. Visit Greenlandip suliaasarilluinnarpaa assigiinngisitaarnerup taassuma erseqqissarneqarnissaa, taassumalu nunap immikkoortuisa immikkuullarissusaat nukittorsartussaavaa aammalu Kalaallit Nunaat nunatut pissanganartutut ataatsimoortutullu misigisassaqarfissatut takutissallugu. Kalaallit Nunaannut takornarianullu nunatsinnut tikittartunut iluaqutaasumik periarfissarpasuit suliaqarnikkut naammassisassanngorneranni, ukiuni sisamani tulluittuni iliuuseqarnissamut sammisumik siunnerfeqarluartumillu periusissaqarnikkut, Kalaallit Nunaanni takornariartitsineq misigisassarsiortitsillunilu takornariartitsilluni inuussutisarsariuteqarneq nukittuujusoq Naalakkersuisut qularinngilluinnarpaat.

Ove Karl Berthelsen
Inuussutisarsiornermut Aatsitassarsiornermullu
Naalakkersuisoq

2.0 Pingaarnertut eqikkaaneq



Naalackersuisut anguniagaraat: takornariartitsisarnermut aamma misigisassarsiorititsisarnermut inuussutissarsiutit aningaasaqarnikkut, inooqataanikkut avatangiiisitigullu piujuartussamik siuariartortinnissaasa qulakkeerneqarnissaa, taamaalilluni suliaasaqarfiit taakkua 2020-imi Kalaallit Nunaata avammut tuniniaanermi isertitaqartarfiisa pingaarnertit ilagilissallugu. Tamatumalu saniatigut Kalaallit Nunaata nunani allani tusaamasaalluarlernissaanut iluaqutaassapput tunngavissalliissallutillu.

Kalaallit Nunaata Issittumi inissisimanagera, pinngortitarsuaq alianaalluinnartoq aammalu nunami sumiiffimmi siammasissamik nunassitarneq, nunamut takornarianut misigisassanik asseqanngitsunik tuniniaanermut tunngatillugu, ataatsikkoorlutik unamminartortaqarput iluaqutissartaqarlutillu. Periusissaq manna nunami maani piffissami qanittumi aamma ungasissumi aalajangersimasunik suliniuteqarnikkut qanoq iliorluni takornariartitsisarnermi aamma misigisassarsiorititsisarnermi inuussutissarsiutit siuariartortinneqarnerannik siuarsaasoqassanersoq pilersaarutaavoq.

Naalackersuisut RUS-imi periusissaminni Kalaallit Nunaat nunap immikkoortuinut arfinilinnut agguluppaat – takuuk



nunap assinga qupperneq 10-imiittoq. Nunap immikkoortuini tamaginni immikkuullarissunik unamminartorparpoq periarfissaqarlunilu, aammalu takorluugaavoq nunap immikkoortuini isumalluutaasut pisariaqartitsinerillu aallaavigalugit ineriartorneq siuarsarneqassasoq.

Nuna annertoorsuugaluartuq aammalu nunap immikkoortui assigiinngissuteqaraluartut, unamminartorpassuit ataatsimooruffigineqarput. Taakkua tassaapput:

- Nunami takornarianut neqeroorutit ersarinnerulernissaanik pisariaqartitsineq
- Tikikkuminassutsimut periarfissatut eqqarsaatersuutitut nutaanut naleqqussaaniissamut pisariaqartitsineq, soorlu Islandimut timmisartumik attaveqarfissat pitsaanerusut
- Inatsisitigut najoqqutassat nutarterneqarnissaannut pisariaqartitsineq, ilanngullugu ingerlatsinissamut akuerissummut inatsisip ilusilersorneqarnera
- Misigisassarsiorititsisarnermi inuussutissarsiutit ineriartortinnissaannut pikkoriffiginerulernissaannullu pisariaqartitsineq
- Kalaallit Nunaat nuna tamakkerlugu ataatsimoorutimik nittarsaaneqarnissaanut pisariaqartitsineq
- Takornariartitsinermik sammisaqarnermik naatsorsueq-qissaarisarnissamik uppersaasarsuinissamillu pisariaqartitsineq

Unamminartut qulaani taaneqartut takornariartitsisarnermut periusissami aalajangiunneqartumi aallaavigineqarput, taamattaarlu aamma unammilligassat taaneqartut, ukiuni aggersuni periusissatigut suliniutit sorliit pingaarnertut neqassanersut aalajangersaanermi tunngavigineqarput. Suliniutit ukiut ingerlaneranni 2012-imut aningaasanut inatsimmut aningaasaqarnikkut najoqqutarisat maanna ilisimaaneqartut ukiunilu siumut missingiiffiusut iluanni aningaasaalersorneqariartuaassapput.

Periusissatigut suliniutini paasinarsisinneqarpoq, nunap immikkoortuini aamma nunami namminermi nalillisoqarsimatillugu, suliniuteqarneq sunniuteqarnerpaajusussaasoq.

Tamanna aallaavigalugu Naalackersuisut ukiunut sisamanut tulliuuttunut takornariartitsisarnermut suliaasaqarfimmi anguniagassat makku saqqummiuppaat:

- Kalaallit Nunaanni umiarsuarnik takornariartartut amerlassusii 5 %-imik aammalu nunami takornariartartut 10 %-imik amerlassusii siuariassasut
- Takornariartitsisarnermi suliffissaqartinneqartut amerlassusii (ukioq tamaat) 5 %-imik siuariassasut
- Takornariartitsisarneq isertitaqarnikkut 5 %-it nalinginik amerlassuseqartunik siuariassasut

Periusissaq manna suliniutinut ukiuni sisamani aggersuni aallartinneqartussanut piviusunngortinneqartussanullu tunngavoq. Kisianni suliniutit inerneru annertuumik nikerarsinnaapput, apeqqutaalluni suliniuteqarneq piffissamut qanittumut (ukiut sisamat angullugit) imaluunniit piffissamut ungasissumut (ukiut 10-it imaluunniit 20-it) tunngassuteqarnersoq. Periusissami piffissamut qaninnerusumut suliniutit pingaarnertut sammineqarput, tassa imaappoq suliniutit piffissami periusissap atuuffissaani (2015) piviusunngortinneqarsinnaasut, kisiannili peqatigisaanik piffissamut qanittumut suliniutit taamatuttaaq piffissamut ungasissumut anguniakkat anguneqarnissaasa tungaanut alloriarnerussapput siulliit. Pingaarnersiuneq taaneqartoq ima paasineqassanngilaq, periusissami takornariartitsisarnermik ineriartortitsinissamut taamatuttaaq assersuutigalugu iliniartitaanermut suliffeqarnermullu suliaasaqarfimmi piffissamut ungasissumut suliniuteqarnissap apeqqutaanerata pingaaruteqarnera isiginiarneqanngitsoq.




3.0 Aallaqqaasiut

Nunarsuaq tamakkerlugu takornariartitsisarnermut misigisassarsiortitsisarnermullu aningaasaqarneq suliassaqaarfinit ilaavoq inuussutissarsiutinut niuernermit tunngaveqartunit allanit sukkanerungaartumik annertusiartortoq. Tamanna aamma Kalaallit Nunaannut atuuppoq. Takornariartitsisarnermut misigisassarsiortitsisarnermullu inuussutissarsiutit Kalaallit Nunaanni inuussutissarsiutinut siuariartorfiusunut ilaapput –inuussutissarsiutillu marluusut qitiusumik takornariartitsisarfinni aamma isorliunerusuni suliffissanik suli amerlanerusunik pilersitsiviunissaat periarfissaqaqluarpoq. Tulliullugulu: akitsuutitigut, piginneqatigiiffiit akileraarutaasigut aamma akissarsianit akileraarutitigut nunap karsianut isertitassat amerlissapput. Allatut oqaatigalugu inuussutissarsiutit taakku ineriartorteqqinnissaasa qularnaarneqarnissaat tapersorsorneqarnissaallu pilerinat eqarpoq aningaasaqarnikkullu isumatusaarnerulluni, tamanalu aamma nunami namminermi periusissami siunertaavoq.

Kisitsisaatigut tunngavigalugit missingerparput, Kalaallit Nunaanni takornariartitsisarnermi nunat allat aningaasaannit nunap ataatsimut katillugit isertitagaasa 10 %-iisa misaannik amerlassuseqarput aammalu naalagaaffimmi tunisat ataatsimut nalingisa 4 %-iisa misaanniilluni (takuuk ilusiliaq 1). Nunarsuaq tamaat isigissagaanni takornariartitsisarneq ukiumut agguaqatigiissillugu 4-5 %-imik siuariartarluni inuussutissarsiornermi suliassaqaarfiit ilagaat sukkanerpaamik siuariartortoq. Misigisassarsiortitsisarnermut inuussutissarsiutinunarsuaq tamakkerlugu piffissami 2000-2005-imi ukiumut niuernerit tamarmik 8,7 %-iannik siuariarsimapput. Takornariartitsisarnermut misigisassarsiortitsisarnermullu inuussutissarsiutit iluanni ukiumi kingullermit neriulluarnartumik siuariartorneq ingerlaqqissimavoq – annertunerusumik annikinnerusumilluunniit kigaallassimanani naak aningaasarsiornikkut ajornartoornermik maanna nalaanneqaq-qagaluarluni.

Ukiuni kingulliunerusuni timmisartumik attaveqaatit pitsaanerulernerini takornariartit tikittartut amerlanerulernissaannik periarfissiilluarput. Piffissamut 2012-2015-imut periusissami maannakkut atuuttumi, siuariartornissamut periarfissat unaminartullu annertunersaat nassuiarneqarput, aammalu suliniutini anguniakkat ersarissut aalajangersarneqarlutik. Anguniakkat annertuut anguneqarnissaannut periaasissaq pitsaanerpaaq / tassaavoq suliassaqaarfimmi namminersortut suliniuteqarnissaannik siuarsaanissaq, taamaalluni takornariartitsisarnermi suliaqartut amerlanerlersinnaaniassammata.

Ilusiliaq nr. 1: Takornariartitsisarnerup nunami namminermi aningaasaqarnikkut pingaaruteqarneranik naliliineq, 2003 – 2010.



Najoqqutarisaq: Naatsorsueqqissaartarfik, nunami namminermi naatsorsuutitut kisitsisitigut paasissutissat aamma nunanut allanut niuernermit kisitsisitigut paasissutissat aamma/namineq naatsorsuinerit

Takornariartitsisarnermi isertitit

Takornariartitsisarnermik inuussutissarsiornermit nunap karsianut isertitit aallaavigaat; piginneqatigiiffiit akileraarutaat aammalu sulisorpassuit isertitaannit akileraarutit. Tamatuma saniatigut umiarsuarnik takornariartitsisarnermut ilaasunut akitsuusiisarnermit akitsuutit, mittarfimmut akitsuutit aammalu akitsuutit aalisarnermut piniarnermullu akuersissutinut tunniunneqarsimasunut attuumassuteqartunit isertitaqartoqartarpoq.

Maannakkorpiaq takornariartitsisarnermi ingerlatat nunap aningaasaqarneranut qanoq sunniuteqassanersut tamakkiisumik takussutissaqanngilagut. Tamatumunnga pissutaavoq takornariartitsisarnerup nunami namminermi aningaasaqarnermut pingaaruteqarnerata naatsorsornissaannut kisitsisit eqqoqqissaartut piginninnatsigit. Taamaattorli Kalaallit Nunaanni Naatsorsueqqissaartarfimmit kisitsisit tamanut saqqummiunneqartut atoneranni tikkuussisoqarsinnaavoq. Kisitsisitigut paasissutissat takornariartitsisarnerup inuussutissarsiutit nunat allat aningaasaannit isertitaqarfiusut pingaaruteqarnerata naliliiffiginissaannut periarfissaqaqlersitsippat.

Takornariartitsisarnermi oqimaqatigiissaarinerup

Takornariartitsisarnermi oqimaqatigiissaarinerup takutipppaa Kalaallit Nunaanni ilanngaassereerluni akiliisarnerup oqimaqatigiissaarnerqarnera takornariartitsisarnermit qanoq annertutigisumik sunnerneqartarnersoq. Tassani nunanit allamiut (amma danskit) Kalaallit Nunaanni takornariartartut aammalu maani nunaqartut nunani allani takornariartartut pineqarput. Inuit sulinerminnut atatillugu Kalaallit Nunaanniittartut kisitsisinut ilaatinneqarput.

Takussutissiaq 1-imi takuneqarsinnaasutut Kalaallit Nunaat ukiuni kingulliunerusuni takornariartitsisarnermi nunanit allanit aningaasaqarnikkut patajaatsumik sinneqartoortute-

qartarsimavoq ukiumut 100 mio. koruuninik amerlassuseqartunik. Kalaallit Nunaanni takornariartitsinikkut periarfissaqarpoq annertuumik piviusunngortinneqanngitsunik. Tamanna Islandimi pisimasumut nallersuullugu assersuutigineqarsinnaavoq. Ukioq 2008-mi Islandimi takornariartitsinikkut nunat allat aningaasaannit isertitat 4.260 mio. dkk-jupput. (paasisaqarfik: Statistic Iceland, International Tourist receipts 1969-2008).

Islandimi 2008-mi innuttaasut 315.459-inik amerlassuseqarneranni innuttaasumut ataatsimut dkk 13.504-nik naleqarput. Kalaallit Nunaanni pissutsinut nuullugit kisissagaanni takornariartitsinikkut nunat allat aningaasaannit isertitat 762 mio. kr.-upput, innuttaasut 2008-mi 56.462-inik amerlassuseqarneranni (paasisaqarfik: Kalaallit Nunaanni Naatsorsueqqissaartarfik). Kalaallit Nunaata isertitai 368 mio. kr.-upput/ nalunaarsuiffik 1. Ukioq 2008-mi Islandimi innuttaasut amerlassusii eqqarsaatigissagaanni takornariartitsinikkut isertitaa Kalaallit Nunaannut naleqqiullugit marloriaataat sinnerlugit amerlanerupput.

Island arlalitsigut takornarianut tikikkuminarnerugaluartuq, Europamit minnerunngitsumillu Amerikap Avannaanit, assersuussinerup paasinarsitippaa, Kalaallit Nunaat takornariartitsinikkut periarfissaqartuq annertuumik piviusunngortinneqanngitsunik.

Umiarsuarnik takornariartitsisartunut ilaasut (ilaasut amerlassusii) ukiuni kingullerni tallimani amerliartuinnavissimapput, taamaallaat ukioq ajornartoorfiusoq 2009, nunarsuaq tamakkerlugu aningaasaqarnikkut ajornartoorneq pissutigalugu, amerliartorfiusimanani. Umiarsuarnik takornariartitsinermi angallasseqatigiit akitsuummik akiliisarput (ilaasunut akitsuut), umiarsuarmi ilaasut amerlassusii malillugit aalajangersarneqartartumik. Umiarsualiviit tikiqqartut amerlassusii apeqquaatinnagu, ilaasumut ataatsimut akitsuummik akiliisitsisoqartarpoq.

2008-imiit 2009-imut ilaasut ikileriaraluartut, ilaasunut

Takussutissiaq nr. 1: Takornariartitsisarnermi oqimaaqatigiissaarineaq 2003 – 2010.

Mio. kr.	2003	2004	2005	2006	2007	2008	2009	2010
Takornarianit isertitat	261	310	352	315	305	368	328	334
Takornarianut aningaasartuutit	166	206	236	201	201	228	222	233
Takornariaqartitsisarnermi oqimaaqatigiissaarineaq	95	104	116	114	104	140	106	101

Najoqqutarisaq: Kalaallit Nunaanni Naatsorsueqqissaartarfik – naatsorsueqqissaarnermut qarasaasiakkut nalunaarsuiffik, nunami namminerme naatsorsuutit.

Takussutissiaq nr. 2: 2006 – 2010-imi ilaasunut naatsorsueqqissaarnerit aallaavigalugit takornariat nunanit allaneersut amerlassusii missingineq.

	2006	2007	2008	2009	2010
Umiarsuarnik takornariartitsisartunut ilaasut amerlassusii	22.051	23.506	28.891	26.976	30.271
Takornariartitsisarnermi akileraarut	9.922.950	10.577.700	13.000.950	14.162.400	15.892.275
Takornariartitsinermi akileraarut ilaasumut ataatsimut	450	450	450	525	525
Nunanit allanit timmisartumut ilaallutik tikittut	2006/2007	2007/2008	2008/2009	2009/2010	2010/2011
Nunanit allanit ilaasut	35.939	36.864	35.117	34.973	37.539

Najoqqutarisaq: Kalaallit Nunaanni Naatsorsueqqissaartarneq – missiliorneqarpoq takornariat ataatsimut katillugu nunanit allaneersut (ilaasut Kalaallit Nunaata avataani ornigassaneersut) 48,5%-iattut amerlassuseqartut.

akitsuusiisarnermit isertitat amerleriarnerannut – akitsuutip 16 %-imik qaffanneqarnera 2009-imi atuutsinneqalersoq peqqutaavoq.

amerlisimanerannut pingaartumik peqqutaavoq Islandip aamma Kalaallit Nunaata akornanni angallavimmik nutaamik pilersitsisoqarsimanera.

Mittarfimmut akitsuutit ilaasut amerlassusii ataasiakkaarneri malillugit akilerneqartarput (nunanit allanit ilaasut). Akitsuut taanna ilaasunit tamanit akilerneqartarpoq – maani najugaqartunit aamma takornarianit. Takussutissiami kisisitsit allassimasut taamaalillutik tassaapput Kalaallit Nunaannut angalasarut ataatsimut katillugit amerlassusii, taakkunanga takornariat amerlassusii 48,5 procentiuvoq (Kalaallit Nunaanni Naatsorsueqqissaartarfik malillugu). Timmisartumik tikeraartartut amerlassusii 2006-imiit 2009-imut allanngorangaarsimangillat. 2009-imiit 2010-imut



4.0 Ineriartorneq, siuariartortitsinissamut periarfissat aamma suliniuteqarfissat

4.1 Nunap immikkoortuini takornariartitsisarnerup ineriartornera pillugu killiffik

Umiarsuarnik takornariartartut amerlisimapput –akunnit-tarfinnilu unnuisarnerit paarlattuanik pisimallutik. Kisianni nunap immikkoortuini ataasiakkaat isigalugit allangoriartorneq qimerlooraanni assigiinngissutsit ersarilluinnartumik saqqummertarput. Takussutissiaq 3-imi piffissami 2006-imiit 2010-imut umiarsuarnik takornariat amerliartorsimanerat takutinneqarpoq. Takussutissiami takutinneqartutut pingaartumik Qeqertarsuup Tunuani aamma Qeqqani takornariat taamaattut annertuumik amerliartorsimanerat misigineqarpoq. Nunap immikkoortuina sinnerini taamatuttaaq siuarialaartoqarsimavoq, taamaattorli taama annertutigingitsumik. Akunnittarfinni unnuisarnernut tunngatillugu ataatsimut katillugit amerlassusii 2006-imiit 2010-imut 4 %-it missaannik ikileriarsimapput. Allangoriartornermi tas-

sani nunap immikkoortuini assigiinngissuterpasut pineqarput – Qeqertarsuup Tunuani aamma Qaasuitsup avannaani annertuumik qaffariartoqarluni, Sermersuumi annikitsumik siuariartoqarluni, Kujallermi appariartoqarluni aammalu Qeqqani annertuumik kinguariartoqarluni.

Qaasuitsup Avannaa – Ummannamiit Qaanaamut

Paasisassarsiorlutik umiarsuarnik takornariartaatinut angalasut nunap immikkoortuani tassani pingaarnertut ingerlanneqarpoq. Aasap ingerlanerani arlaleriartumik umiarsuit arlallit nunaqarfinnut Ummannap eqqaaniittunut tikittarput –kiisalu Qaanaap eqqaanut arlaleriartumik tikittarput. Ukiuni kingulliuerneruuni umiarsuit minnerusut atorlugit angalasarnert amerlassusii annikitsuinnaavoq, tamannalu ornigassanut ataasiakkaanut ilaasut amerlassusiinik appariartitsimavoq. Timmisartumik ilaallutik takornariartunit tikikku-

minassuseq inissaqartitsinerup annikinneranit, aqqukit akut-tunerannit aammalu aningaasartuutit amerlangaatsiartarnerannit pakkersimaarneqartarmat, umiarsuit takornariat taatit atorlugit takornariartitsisarneq nunap immikkoortuani tassani aalajangiisuulluinnartumik takornariaqarnermit isertitsissutaasarpog.

Qaasuitsup – qeqertarsuup tunua

Ilulissat takornarianik annertuumik kajungerisatut atorlugi nunap immikkoortuani ukiuni kingulliuerneruuni nunami takornariartitsisarnermi aamma umiarsuit takornariartaatit atorlugit takornariartitsisarnermi siuariarnermik misigisaqarsimavoq. Taamaattorli siuariartorneq naligiinngitsumik agguarsimavoq, pissutigalugu umiarsuit takornariartaatit atorlugit paasisassarsiorluni takornariat ikileriarsimanerat, nunap immikkoortuani ornigassanut mikineruuniittunut ilaasut ikileriarnernannik kinguneqarsimammat. Peqatigisaanik umiarsuit anginerusut arlallit Ilulissani unnuinissartik qinertarpaat. Ilulissat aamma Islandip akornanni timmisartumik toqqaanartumik aquteqalernerani ukiut kingullit marluk piffissaq ingerlataqarfiusartoq sivitsortissimavaa, ilaasut amerlissisimallugit aammalu nunap immikkoortua Island aqutigalugu niuerfinnut nutaanut tikikkuminarsisissimallugu. Aasaanerani imaatigut angallassinerup namminersortunit ingerlanneqartup nunap immikkoortuani aqqusaartuilluni angalanissaq takornarianut nuannaarutaasumik ajornarunnaarsisimavaa. Tamatuma saniatigut tamanna Ilulissanut tikeraartortorpasut nunap immikkoortuani illoqarfinnut nunaqarfinnullu allanut ulluinnarluni takornariartumik imaluunniit aqqusaartuillutik angalaarlutik agguataarsinnaanerannut tunngavissisimavoq.

Takussutissiaq nr. 3: Umiarsuarnik takornariartitsisarnerup ilaasut amerlassusii nunap immikkoortuini agguarlugit, 2006-2010.

Umiarsuarnik takornariartitsisarnerup ilaasut amerlassusiiip (Nunap immikkoortuini agguarlugit)	2006	2007	2008	2009	2010
Qaasuitsup Avannaa	866	2.241	3.009	2.027	3.467
Qeqertarsuup tunua Ummannap ilanngullugu	10.684	14.8-3	25.475	21.514	30.297
Qeqqata	10.519	14.193	18.773	19.229	21.638
Sermersooq Kitaa	8.594	10.591	13.973	10.564	15.463
Sermersooq Tunu	1.399	2.846	2.853	1.986	2.373
Kujalleq	16.892	15.770	21.615	21.133	22.734

Takussutissiaq nr. 4: Akunnittarfinni unnuisarnerit amerlassusii nunap immikkoortuini agguarlugit, 2006-2010.

Hotel-ini unnuisarnerit	2006	2007	2008	2009	2010
Qaasuitsup Avannaa	3.452	4.023	4.471	5.128	5.557
Qeqertarsuup tunua	62.398	71.535	68.947	69.195	72.280
Qeqqata	70.368	69.048	67.537	62.663	50.662
Sermersooq Kitaa	43.328	46.451	49.579	47.625	46.416
Sermersooq Tunu	8.028	9.214	9.709	10.416	10.144
Kujalleq	38.093	34.333	36.670	29.774	31.082
Katillugit	225.667	234.604	236.913	224.801	216.141



Qeqqata

Qeqqata Kommuniyani takornariartitsisarneq isaarissamut pingaarnermut Kangerlussuarmut pingaarnertut katersuus-simavoq. Ukiut qulikkaar marluk kingulliit Kangerlussuaq sunniuteqarluartumik takornariartitsisarfitut ineriartorfiusimavoq, timmisartumik ilaallutik takornariartartunit Kalaallit Nunaannut tikinnerminni ornigassatut siullertut asse-qanngitsumik tikikkuminassuseqarneranik tunngaveqartumik. Siullermik pingaarnertullu sermersuarmukarnissamut, qimussernissamut, pisulluni angalaarnissamut aamma tamajuitsussanik aallaaniarnissamut periarfissaqarluarpoq, Kangerlussuarmut ornigassatut pilerinaateqalersitsisimasunik – aamma umiarsuarnut takornariartaatinik takornariartitsisartunut minnerusunut, tassani ilaasuminnik taarsisartunut. Nunap immikkoortuata sinnerani takornarianut periarfissiissutit neqeroortigineqartut assigiinnangajapput – taamaattorli assigiinnigissutaalluni takornariat aamma qulimiguulik atorlugu sisorariartornissamut aammalu kuummi aalisarnissamut periarfissaqarmata. Tassungalu uiggiunneqassaaq ukiumoortumik Arctic Circle Race, nunarsuaq tamakkerlugu sisorartartunit tusagassiortunillu ornigarneqartartoq. Ataatsimut isigalugu nunap immikkoortuani ukiuni kingulliunerusuni unnuisartut ikileriarsimanagerat misigineqarsimavoq – kisianni umiarsuarnik takornariartaatinik takornariartitsineq siuariarsimalluni.

Sermersooq Kitaa

Nuuk illoqarfiit pingaarnersaattut, pingaartumik aasaanerata avataani, suliffimminut atatillugu angalasuni, ataatsimeersuariartuni aammalu pisortatigoortumik tikeraartuni annertoorsuarmik ingerlataqarfiusarpoq. Akunnittarfiit tamanna peqquutigalugu aasaanerata qaammataanni amerlasuunik atorneqanngitsunik inissaateqartarput. Nuummi aamma pingaartumik Danmarkimiit ilaqtutaminnut ikinngutiminnullu tikeraartut amerlasoorpassuusarneri iluaqtigineqartarpoq. Islandimut attaveqaatip nutaap atuutilernerani Nuummi aasaanerani nunami takornariartartut amerleriartut malugineqarpoq. Nuuk ukiuni arlaqartuni umiarsuarnik takornariartaatinik takornariartitsinerneq ornigassatut nuannari-

neqarnerpaanut ilaasimavoq, aammalu Kalaallit Nunaanni illoqarfiit pingaarnersaanni ukiut tallimat ingerlaneranni taamatut takornariartartut marloriaatinngungajassimanageri misigineqarpoq. Nunap immikkoortuani takornariartitsisarneq Nuummut annertuumik katersuunneqarsimavoq, Pamiut aamma Ivittuut ikittuinnarnik tikeraarneqartarlutik.

Sermersooq Tunu

Nunap immikkoortuani ukiut tallimat kingulliit ingerlaneranni akunnittarfinni unnuisartut akunnattumik siuariarsimanagerat misigineqarpoq – ullumikkullu umiarsuarnik takornariartaatinik takornariartitsisarneq ukiut tamaasa 2.000-it sinnerlugit takornariartitsiviusartoq aalajaatsuuvoq. Nunap immikkoortuani nunami takornariartitsisarneq, Islandimit sivikitsumik takornariartitsisoqartarluni aammalu akunnittarfinni unnuisartut amerliartorlutik, pingaartumik Tasiilap eqqaani ingerlanneqartarluni. Ittoqqortoormiini aamma Nunami Allannugtsaaliukkami nunap immikkoortuani umiarsuarnik takornariartaatinik takornariartartut amerlanersaat tikeraartorineqartarput, pingaartumik umiarsuit paasisassarsiornermut atorneqartut minnerusut pineqarlutik, aammalu ukiut tamaasa Nunami Allannugtsaaliukkami timersorlutik ilisimatusarlutillu paasisassarsiorartut.

Kujalleq

Nunap immikkoortuani ukiut tallimat kingulliit qiviassagaanni, akunnittarfinni unnuisartut nunanit allaneersut ikilisimasut misigineqarpoq. Tamatumunnga ilaatigut Qorlortorsuarmi erngup nukinganit innaallagissiorfiliorerup maannakkut naammassisimalerana peqquataavoq. Innaallagissiorfimmik sanaartorerup nalaani sulisut amerlasoorsuit Islandimeersuupput. Paarlattuanik nunap immikkoortuanut timmisartuussisarnerit amerlassusaat pitsaanerusumik ingerlavoq, minnerunngitsumik Islandimut aqqut Narsarsuaq-Reykjavik peqquataalluni, tassani aamma siuariartoqarsimasoq nalunaartigineqarpoq. Tamakku saniatigut Europameersut sulinneqartareersut nunap immikkoortuanut Islandikkoorlutik timmisartumik tikittartut amerlanerulerput. Ataqtatigiissitilluni periarfissaasut ineriartortinneqarnerat pillugu nunap

immikkoortuani suliaqartuusut aamma Islandimeersut suliaqartuusut akornanni qanimut suleqatigiinneq ingerlavoq. Kalaallit Nunaata kujataa ukiopassuit ingerlaneranni umiarsuarnik takornariartaatinik takornariartunit ornigarluarneqartarsimavoq sulilu siuariartorfiulluni. Pingaartumik umiarsuit angisuut 3000-it angullugit ilaasoqarsinnaasut Kalaallit Nunaata Kujataanut tikittarput. Umiarsuit pingaartumik Qaqortumi aamma Nanortalimmi sullittarneri annertuumik misilittagaqarfigineqarpoq.



Siuariartorfiusinnaasut periarfissaqarfiusut

Takornariartitsisarnermut inuussutissarsiornerup iluani siuariartortitsinissamut aallaaviussut pingaarnert pingasuupput. Takornariat amerlanerit Islandikkoorlutik imaluunniit Kangerlussuakkoorlutik (tamarmik timmisartukkut) tikittarput aammalu umiarsuarnut takornariartaatinut ilaallutik takornariartartut amerlanerullutik.


Islandikkoorlutik takornariat

Islandip aamma Kalaallit Nunaata akornanni timmisartuussisarnerit nutaat Kalaallit Nunaata kujataanut aamma Ilulisanut tikeraartartut malunnaateqarluartumik amerlanerulernerannik kinguneqarsimapput. Islandikkoorlutik Kalaallit

Nunaannut takornariartartut 2011-imi 28.000-it missaannut amerlisimassasut naatsorsuutigineqarpoq (takuuk ilusiliaq 3). Amerleriarujussuarnerat taanna ilaatigut timmisartuussinerit amerlanerulernerannik ilaatigullu timmisartuussineri atuuereersuni piffissap ulapaarneruffiusartup sivit-sorneqarneranik peqquteqarpoq. Islandimiit nunanut tamaalaanut aallartarnernit tamaginnit Kalaallit Nunaannut timmisartuussisarnerit maannakkut 5 %-iupput.

Ukiuni takkuttussani Islandimut takornariartartut amerliar-torneranni, taama amerlassuseqaannassasut Islandimi mit-tarfeqarfinnut oqartussaasut naatsorsuutigaat. Islandimi takornariartitsisarnermut oqartussaasut missiliuipput, Islandimi takornariartitsisarnermut suliassaqarfik ukiut tallimat tullit iluanni ukiumut takornariat 500.000-it maannakkut amerlassuseqartunit ukiumut 1 millioninik amerlassuseqarlerlutik siuariartorsimassasut. Takornariat taakkua ilaasa Kalaallit Nunaannukartinniartarnissaat pingaaruteqarpoq, tamanna siuariartortitsinissamut periarfissaqarfiummat nutaajusoq soqutiginaateqarluartorlu.

Ilusiliaq nr. 3:



Islandimiit ilaasut amerlassusiisa ineriartornerat, 2007-2010. Najoqqutarisaq: ISAVIA 2011

Kangerlussuakkoorlutik takornariartartut

Danmarkimi angalatitsisarfiit angisuut arlallit ukiorpassuar-ni Kalaallit Nunaannut angalanissanik tuniniaasartuupput.

Tassani pineqarput ataatsimoorlutik angalasut, umiarsuar-nik takornariartaatinut ilaallutik takornariat aamma ataa-siakkaarlutik angalasut. Angalatitsisarfiit taakku Kalaallit Nunaannut aalajaatsumik tunisaqarluartarput. Danskit tuniniaasarfiiit annertunerusumik siuariartortitsiniarluni misig-sassarsiornissanik tuniniaasartut allat ullumikkut Kalaallit Nunaannut angalanernik tuniniaallutik nittarsaassineq ajortut – kisiannili ornigassanut assingusunut soorlu Sval-bard, Alaska, aamma New Zealand – tuniniaallutik nittar-saassisartut, suliqartinniartalernissaat pisariaqarpoq. Tamatuma saniatigut taamattaq Skandinaviami aamma Tysk-landimi tuniniaasarfiiit aallunnissaat naleqqutissaaq. Nuna-nit taakkunanga takornariat ikittuinnaat ullumikkut Kalaallit Nunaannukartinneqartarput. Aammattaarlu Europa-p kujasinnerusortaanit soqutiginnikkiartuaarneq misigivarput, taamattaq taanna suli pilerilersitsiniaaffigineqarqittaria-qarpoq. Air Greenland naapertorlugu takornariat Kangerlus-suaq/Narsarsuaq aqqusaarlugu tikittartut ukiumut 0-1 %-imik amerlanerulersinnaassasut naliiisoqarpoq.

Umiarsuarnik takornariartaatinut ilaallutik takornariartartut

Umiarsuarnik takornariartaatinik sammisaqarfiit iluanni siuariartorfiunerussasut naatsorsuutigineqarpoq tuninia-gaq 'Nordatlantisk krydstogt' (Atlantikum avannaanut umiarsuarnut takornariartaatinut ilaalluni takornariarneq), tas-saanerullutik umiarsuit angisoorsuit Kalaallit Nunaat ornigassanut allanut Atlantikum avannaaniittunut ataqatigiissil-lutik takornariartitsisut. Umiarsuit nutaat takornariarfius-sanut nunap immikkoortuinut Caribien-imiit aamma Akuller-suarmit tikittalernerisa kingunerisaanik, umiarsuit amerliartuinnartut ornigassanut nutaanut atorneqartariaqalerput. Taamaammat Østersø-mi, Norge-p sineriana sinerlugu aam-malu Atlantikoq ikaarlugu angalasarnerni umiarsuaatileqatigiit nutaat aammalu umiarsuit amerlanerusut takusalerpavut. Allangoriartorneq taanna ukiut tullit ingerlaneranni 'Nordatlantisk krydstogt' -imut tunngatillugu periarfissaqarfiulertussaavoq. Tamanna umiarsuit amerlinissaannut anginerutinnissaannullu kiisalu piffissap ulapaarfiusartup sivit-

sornissaanut tunngavissaqalersitsivoq. Taamaattorli aamma sumiiffinnut isorliunerusuniittunut, takornariartitsinermit isertitaqartannikkaluartunut, takornarianik tikittoqartar-nissaa qulakkeerniarlugu, paasisassarsiortlutik umiarsuarnik takornariartaatinik tikittartut annikitsumik siuarialaarnis-saat qulakkeerneqassaaq.





5.0 Nunap immikkoortuini ataasiakkaani suliniuteqarnerit

Kommunimi angerlarsimaffigisaminni takornariartitsisarnep ineriartortinneqarnissaanut unammilligassat pingaarnert suussusersiniarlugit, suliaqartuusut ataasiakkaat 2011-imi qaaqquneqarput. Ataatsimiinnermi suliaqartuusut kommuniminni takornariartitsisarnermut suliniarnerup ineriartortinnissaanut tunngatillugu suut unammilligassatut isigernerlugit saqqummiipput.

Ataatsimiinnermit suliaqartuusut immersuinerat, kommunit nunap immikkoortuani ineriartortitsinissamut periusissaa ilanngullugu, nunap immikkoortuani unammilligassat suut iluarsineqassanersut aammalu unammilligassat suut nunami namminermi imaluunniit nunap immikkoortui akimorlugit suleqatigiinnikkut pitsaanerpaamik iluarsineqarsinnaanersut naliliinnermi aallaavigineqarput. Nunap immikkoortuini unammilligassat periusissami matumani aallunneqartut ataani nalunaarsorneqarput:

5.1 Suliniuteqarfissat aamma pingaarnersiunerit

Suliniuteqarfissat matuma tulliiini allasimasut, takornariartitsisarnermut misigisassarsiortarnermullu inuussutissar-

siornerup aningaasaqarnikkut, inooqataanikkut aamma avatangiisitigut piujartussamik siuariartortitsinissamik taper-siinissamik siunertaqartut Naalakkersuisut nassuiarpaat, taamaallit suliaqartuusut taakkua 2020-imi Kalaallit Nunaata avammut tuniniaanermi isertitaanni annertuumik ilaliissallit.

Suliniuteqarfissat periuseqarfingeqartussat tallimaasut makkuupput:

1. Periusissatigut suliniuteqarneq – tuniniaalluni nittarsaas-sineq
2. Periusissatigut suliniuteqarneq - tikikkuminassuseq
3. Periusissatigut suliniuteqarneq inatsisit
4. Periusissatigut suliniuteqarneq – misigisassarsiornermi inuussutissarsiutit
5. Periusissatigut suliniuteqarneq – kisitsisitigut paasissutissat/uppernarsaatit

Suliniuteqarnerni taakkunani anguniakkat makkua anguneqarnissaat qulakkeerneqassaaq:

- Kalaallit Nunaanni takornariartartut umiarsuarnut takor-

nariartaatinut ilaasut 5 %-imik aamma nunami takornariartartut 10%-imik amerlillutik siuariarnissaat

- Takornariartitsisarnermi sulisut (ukioq tamaat) 5 %-imik amerlillutik siuariarnissaat
- Takornariartitsisarnermi takornariartatut ataatsimut 5 %-imik isertitaqarnerulernertut annertussuseqartumik siuariarnissaat

Suliniuteqarnerit ataasiakkaat ataani allaaserineqarput.

Takornariartitsisarneq maannangaq inuussutissarsiutaagaluartoq annertoq, piffissaq takornariartitsisarfiusoq sumiiffinni amerlanerni sivikitsuaraasarpooq, tamannalu suliffissaqartitsinerup annertoorsuarmik nikerarneranik malitseqarpoq. Inuussutissarsiornermik ingerlataqartut piffissamut ungasissumut aningaasaliinnaalernissaannut takornariartit naleqquttumik amerlassuseqarnissaat, tamakkiinerusumik annertussuseqartitsinissaat qulakkeerniarlugu, suliffissaqartitsinerup isertitaqarnerullu annertunerulernissaat qulakkeerniarlugit Naalakkersuisut takornariartitsisarnep siuariartornissaat aalluppaat.

Takussutissiaq nr. 4 nunap ilaaneersuneersoq:

Unammilligassaq:	Periusissami aallunneqartoq:	Nunap immikkoortua:
Tammajuitsussanik aallaaniartarnermut aamma takornariartitsisarnermi ingerlatanik ingerlatsinissamut akuersissut pillugu inatsit	Inatsit, immikkoortoq 4	Qeqqata, Sermersooq
Kisitsisitigut paasissutissat & uppernarsaatit amigaataanerat	Kisitsisitigut paasissutissat/uppernarsaatit, immikkoortut 1	Qeqqata, Qaasuitsup, Sermersooq, Kujalleq
Takornariartitsisarnermut attaveqaatit	Tikikkuminaassuseq, immikkoortoq 3	Qaasuitsup, Sermersooq
Attaveqaqatigiinnerit ineriartortinneqarnerat	Ersarissuseq, immikkoortoq 2	Qeqqata
Filmilortut sullinneqarnerat	Ersarissuseq, immikkoortoq 2	Qaasuitsup
greenland.com aqutugalugu tuniniaalluni nittarsaassineq	Ersarissuseq, immikkoortoq 2	Qeqqata, Qaasuitsup, Kujalleq
Nunap immikkoortoortuata tuniniaalluni nittarsaanneqarnera		
Issittup pissussutaasa aallunneqarnerat	Misigisassarsiornermi inuussutissarsiutit, immikkoortoq 5	Qaasuitsup, Kujalleq

6.0 Periusissatigut suliniuteqarneq – tuniniaalluni nittarsaassineq



Periusissatigut suleqatigiinnerit: Island-Kalaallit Nunaat ataqatigiissillugu tuniniagaasartuq pillugu suleqatigiinnerup ineriartortinneqarnerata ilutigisaanik, Kalaallit Nunaata (+ Island) tuniniaalluni nittarsaanneqartarnera, Islandimiut suleqatigisartagaasa pingaartumik pitsaasumik periarfissaqarfigisaanni niuerfinni pitsanngorsarneqassaaq, assersuutigalugu USA aamma Tuluut Nunaat. Peqatigisaanik tuniniaaffinni København aqqusaarlugu tikinneqarsinnaasuni nalequttunilu, pingaartumik Skandinavien-imi aamma Tyskland-imi, niuerfiit aallunneqarnerisa ingerlaannarnissaa qulakkeerneqassaaq.

Suliniuteqarfinni marluusuni tuniniaalluni nittarsaassiner-mut tunngatillugu suleqatigiiffiit tamatigoornerusumik angutsinneqartarsinnaapput – aammalu attaveqatigiiffiit pioreersut iluaqutigineqarsinnaallutik.

Internettikkut ersarinnerulersitsinissaq: Angalanerit internettikkut pisiarineqartarneri annertusiartorpoq. Kalaallit Nunaat internettikkut suliaqarfinnik arlalinnik peqarpoq, tamannalu pingaarutilinnik marlunnik unamminartoqartitsivoq.

- 1) suliaqarfii ataasiakkaat ikittuinnarnik alakkaaffigineqartarput aamma
- 2) nittartagarpasuit takornarianit Kalaallit Nunaata angalluni ornigassatut paasisaqarfiginiarnera ajornakusoortipaat.

Taamaaliluni Kalaallit Nunaat ataatsimut isigalugu internettikkut suliaqarfimmini aningaasaqarnikkut sulisutigullu isumalluuterpassuarnik atuigaluartoq, suliniuteqarnermi angusat sunnummut nallersuussinnaangilaq. Kalaallit Nunaannut ersarinnerusumik ataatsimoorussaanagerusumillu iserfissaqarnissap qulakkeerneqarnissaa pisariaqartinneqarpoq – anguniagaq ilaatigut Greenland.com aqqutigalugu nunap immikkoortui akimorlugit suleqatigiinnikkut anguneqartussa

Branding Greenland: Nunani tamalaani Kalaallit Nunaata ersarinnerulersinneqarnerani, takornariartitsisarnermi inuusutissarsiornerup siuariartornissaa pitsaanagerusumik aallaavissaqalissaaq. Ersarinnerulersitsinissap taassuma anguneqarnissaanut aallaaviusaaq Kalaallit Nunaata nittartakkakut ilisarnaattissaanik pilersitsineq, Pioneering Nation. Taassuma ilusilersorneqarnerani Kalaallit Nunaannut paasinninnissamut ataatsimoorumik tunngavissaqalissaaq. Peqatigisaanik nunap immikkoortuisa assigiinngissutaat suussusiilu nunarujussuatsinni isorartoorsuarmiittut paasinarsarneqassapput. Ilisarnaasiiner-mi Kalaallit Nunaat nunat immikkoortut tamatigoortumik takutinneqassaaq – pissutsinnilu arlalippassuarni ator-neqarsinnaassalluni. Takornariartitsisarnermut ilisarnaat, Kalaallit Nunaata *misigisarsiorluni* ornigassaanera oqariartuutugalugu oqaluttuar-nissamut pitsaasumik sinaakkusiissaaq. "Pioneering Nation"-imi oqariaatsit pingaarnerit tassaassapput pinngortitap imaannangitsuunera, inuit maligassiuinissamik anersaaqarnerat tamakkulu imminnut ataqatigiinnerat. Ilisarnaatip suliarineqarnerani ilaassapput assiliangorlugi kinaassuseq allanner-mi naqinnerit assilisallu Greenland.com-imi ator-neqartut atorlugit saqqummersinneqassallutik.

Nunatut ilisarnaatip "Pioneering Nation"-ip nittarsaanerata saniatigut suliniutit Kalaallit Nunaanni nipilersornermut, nerisarisartakkanut, ilusilersuiner-mut imaluunniit nunap immikkoortuini takornariartitsisarnermi inuusutissarsiornerup iluani tunisassianut sammitinneqartut. Branding Greenland-ip najoqqutassat ineriartortinneqarnerannut ikiuutaasaaq suliniutinullu ataasiakkaanut ataqatigiissaarisutut atuutissalluni.



Piffissami 2012-imiit 2015-imut periusissatigut suliniuteqarneq:

Ersarissuseq/ Tuniniaalluni nittarsaassineq: Tuniniaalluni nittarsaassisarneq suliniuteqarfiummat annertoorsuarmik aningaasartuuteqarfiusartuq, piffissami periusissap atuuffissaani matumani aningaasat immikkoortinneqartut sapinngisamik pitsaanerpaamik atorluarnissaat annertoorsuarmik aallunneqarpoq. Tassunga atatillugu Visit Greenland internettikkut tusagassiuit aqqutigalugit ersarinnerulersitsinissamik suliniuteqarpoq. Suliaqarneq taanna ornigassat qanimut suleqatigalugit ingerlanneqarpoq.

Niuerfinni nunani allaniittuni ukiuni aggersuni siuariartorneq annertusissasoq naatsorsuutigineqarpoq. Tassani pilersaarutaavoq nunani allamiut takornariartitsinermi allaffeqarfii tuniniaaffiilu tuniniaalluni nittarsaassinermi aningaasalersueqataanikkut suleqatigiinnissaq pillugu isumaqatigiissuteqarfigineqassasut. Taamaaliornikkut Visit Greenland kisi-miilluni suliasamik taassuminnga kivitsinnaanissaanut naleqqiullugu, suliniutinik siunnerfeqartunik annertunernillu pilersitsinissamat periarfissaqalissaaq.

7.0 Periusissatigut suliniuteqarnek – tikikkuminassuseq

Kalaallit Nunaata nunarsuarmi inissisimanagera aammalu isortunerujussua nunami takornariartitsisarnermi inuussutissarsiornermut ataavartumik unammilligassartaqarpoq. Misigisassanik qaffasissumik pitsaassuseqartunik neqeroruteqarnissamut periarfissaqaraluartoq, ornigassat ataa-siakkaat tikikkuminassusiisa ineriartortinnissaannut killilliusuusarpoq. Kalaallit Nunaannut tikeraarnermi angalaneremut aningaasartuutaasartut qaffasinneri ajornartorsiutaavoq. Taakkua ornigassanut allanut piginneqatigiiffinnik akikitsumik timmisartuussisartunik iluaquteqartunut sanilliuikkaanni qaffasinnerungaatsiarput.

Kalaallit Nunaat angalanernut qaffasingaatsiartumik akeqartitsiviuvoq - tamatumalu saniatigut bilitsit ornigassallu ataqatigiissinnissaannut atatillugu eqaatsumik aqqiinermik periarfissat annikitsuinnaallutik. Kastrup-imit, Keflavik-imit aamma Reykjavik-imit timmisartumik aqqutissat atorlugit kiisalu umiarsuarnik takornariartitsisartunut ilaasut amerliartuinnarnerisigut, nunap immikkoortui arlallit siornatigumut naleqqiullugit tikikkuminarnerulersimapput – kisiannili assersuutigalugu Island-ituulli tikikkuminartigilissagut-ta suli tamaanga killeqqajangilagut. Kisianni Kalaallit Nunaanni siuariartortitsinissamut periarfissaasinnaasut atorluassagutsigut, takornarianit ornigassat pingaarnarpaat, takornarianit tikikkuminarnerulersinneqarnissaat pingaaruteqarpoq. Immikkoortumi matuma tullianiittumi takornarianit tikikkuminarnerulersitsiniarnermi aammalu takornariartitsisarnermik suliaqartut aningaasartuutigisartagaasa ikinnerulersinniarnerni periarfissat suunersut nassuiarneqarput.

Nunami takornariartitsisarnek: Kalaallit Nunaanni timmisartuussineremut akitsuutit aningaasartuutit katinneranni ilarujussuannut ilaapput, taassumalu saniatigut akitsuutit eqarpallaarlutik. Taamaammat Kalaallit Nunaannut takornariat nunanit allaneersut amerlanerulernissaannik siuarsaassanngorlugit akitsuutit naleqqussarneqarnissaat takornariartitsisarnermik suliaqartuniit annertuumik kissaatigineqarpoq. Taamattaq Island-imit timmisartuussisarnerup annertunerulernerani aammalu attartorluni angalasartut amerlanerulerneranni, mittarfiit ammasarfiisa angallannerup annertunerulerneranut naleqqunnerulersinneqarnissaat qanoq pisinnaansoq naliliinissaq pingaaruteqarpoq. Mittarfiit unnukut aammalu sapaatini ammatinnissaannut aningaasartuutit qaffasinnerisa, naammassisinnaasat atornerqanngitsut atorluarnissaannut periarfissaq taanna killilersorpaat – tassani pineqarput angallaviusartuni angallanneq aamma attartorluni timmisartuussinerit. Taamatuttaq nalilerneqassaaq miittarfinni akiusut ammasarfiillu ukiup qanoq ilinerani allangorartuutinneqassanersut, taamaaliornikkut angallannerup annertunerulernissaa taamattaq siuarsarneqassammat.

Umiarsuarmik takornariartitsisarnek: Umiarsuarmik takornariartitsisarnerup annertunerulernerata, nunami sumiiffinni arlalinni talittarfiit annertusarnissaannik pisariaqartitsineq pingaartumik ersarissisippaa. Pissutsit pitsaanerulerneranni, umiarsuit takornariartitsisartut amerlanerit tikittalernissaannut tunngatillugu, Kalaallit Nunaat unammillersinnaassuseqarnerulertussaavoq.

Taamaallaat sumiiffinni ikittuinnarni umiarsuit talittarfimmut talissinnaapput – taamaalillutillu soorlu imermik, ikum-

matissamik, pilersuutunik innaallagissamillu sullississutunik annertunerunik pisinissamut periarfissaqarlutik. Kangerlussuarmi umiarsualivik tassunga atatillugu immikkut unammilligassartaqarpoq. Tassani aasap ingerlanerani ilaasut 8.000 aamma 10.000-it akornanni paarlaattarput, tamanalu timmisartunut taamatullu aamma umiarsuarnut takornariartaatinut ilaasut akitsuusersornerisigut niuerfiulluartaqarpoq.

Illoqarfinni anginerusuni soorlu Qaqortumi, Nuummi aamma Sisimiuni nunamut ikaarneq puttasani ikaartarfinni mikivalaartuni pisarpoq. Taamaattoqarnerani tullerriaartoqalertarpoq sullissiniarneq kinguaattoortinneqartarluni, taamaalilluni nunamiinnissaq piffissakinneruffiulertarluni. Illoqarfiit minnerusut nunaqarfiillu, umiarsuarnik takornariartaatinut ilaasunik tigusisarnernut eqeersimaarlutik ineriartortitsisut, pisuni amerlasuuni talittarfinni atortorissaarutit tunngaviulluinnartut amigaatigisarpaat. Tamatuma kingunerisaanik nunamut ikaarneq sissakkut imaluunniit qaarsukkut toqqaanartumik pisariaqartarpoq.

Piffissami 2012-imiit 2015-imut periusissatigut suliniuteqarnek:

Tikikkuminassuseq: Takornariartitsisarnermik inuussutissarsiornerup siuariartornissaannut tunngavissaasoq tassavoq, Kalaallit Nunaat ornigassaattillu tikikkuminartuunissaat. Suliaasaqarfimmi tassani periusissatigut suliniuteqarnerit pingaarnertut naalakkersuinnikkut suliniutaapput, takornariartitsisarnermik inuussutissarsiornermut aammalu suleqatinut nunanit tamalaaneersunut tunngatillugu periarfissatigut atugassanik pitsanngorsaanaissamik qulakkeerisus-sat. Tamanna naalakkersuisoqarfiit akimorlugit suliniuteqarnikkut qulakkeerneqassaaq, assersuutigalugu akitsuusersuisarnerup ilusianik misissuseqqaarnikkut.





8.0 Periusissatigut suliniuteqarneq – inatsisit

Takornariartitsisarnermik inuussutissarsiornerup iluani niuernikkut periarfissaqarfiusut pitsaanerulersinnissaannut inatsisunik allannguinnissaq pisariaqarpoq, taamaalilluni periarfissat piviusunngortinneqarsinnaalissallutik.

Ingerlatsinissamut akuersissutit: Takornariartitsisarnermik inuussutissarsiornermi namminersortut aningaasaliisarner-



ri pisariaqartut qulakkeerniarlugit namminersorlutik suliaqartuusunut periarfissatigut atugassaritaasunik pitsaasunik pilersitsineqassaaq. Namminersortunut aningaasaliisartunut periarfissatigut atugassarititaasut patajaatsunissaasa qularnaarnissaat inuiaqatigiit aningaasaqarnerannik isigininneq aallaavigalugu naleqqutissapput.

Takornariartitsinermi ingerlatani piffissamut ungasissumut aningaasaliisinaanissamut takornariartitsisarnermik suliaqartunut amerlanerusunut ingerlatsinissamut akuersissuteqartarnermut inatsiseqarnissaq pisariaqarpoq. Ingerlatsinissamut akuersissuteqarnermi, sumiiffinni nunap sumiiffiini erseqqinnerusumik aalajangerneqartuni ingerlatanut aalajangersimasuni piffissami killilerneqartumi kisermaassussaataitaanissamik periarfissiisoqartarpoq. Ingerlatat tamakku kaaviiaartitaqarnerulernermik suliffissaqartitsinerulernermillu kinguneqassapput, inuussutissarsiorfiusumullu isertitaqarnerulernermik kinguneqassallutik aamma nunap karsianut isertitaqarnissamut periarfissanut iluaqutaassallutik.

Ingerlatsinissamut akuersissummik pisariaqartitsineq pingaartumik suliassaqarfinnut sisamanut tunngassuteqarpoq:

1. eqalunniarneq
2. tammajuitsussanik aallaaniarneq
3. qulimiguulimmik ornigunneqarluni sisorariartarnerit ("heliskiiing")
4. inuilaarsuarmi akunnittarfiit aamma illuaqqallu unnuisarfiit (piniariarfinni) (lodges) (misigisassarsiornermi aallaarsimaarfiit (adventurecamps)

Eqalunniarnissamut ingerlatsinissamut akuersissummik perqarnissamik periarfissaq 2011-imi Inatsisartut ukiaanerani ataatsimiinneranni sukisaarsaatigalugu aalisarnissamut ingerlatsinissamut akuersissut pillugu Inatsisartut inatsisaata Inatsisartunit akuerineqarnerani naammassineqareerpoq.

Takornariartitsisarnermik suliaqartunut kisermaassissussaati-taanermik tunniussinermi iluatsilluartumik piviusunngortitsinissamut tunngavissaavoq Kalaallit Nunaanni innuttaasut allat pisinnaatitaaffiini annikillisisinermik tamanna malitseqqassanngitsoq. Kalaallit Nunaanni pinngortitami angalaarneq kikkut tamarmik pisinnaatitaaffeqarnerannik malerua-gassaqartinneqarpoq, tamannalu siunissami ingerlatsinissamut akuersissutit pillugit inatsimmi allanngortinniarneqanngilaq. Kalaallit Nunaanni innuttaasut nunaqavissut taamataaq tamanna pillugu Kalaallit Nunaanni inatsimmi atuuttumi aalajangersakkat malillugit sulii aallaaniarsinnaasussaaput. Takornariartitsinermi ingerlatanut aalajangersimasunut akuersissutit pillugit Inatsisartut inatsisissaattut siunnersuummik suliaqarneq Naalakkersuisut aallartinniartaat, tassani ilaalluni tammajuitsussanik aallaaniarneq. Inatsisissatut siunnersuummi anguniakkat tunngaviusullu matuma siuliani taaneqartut aallaavigineqassapput. Inatsisissatut siunnersuut UKA2012-imi Inatsisartunut suliarineqartussanngorlugu saqqummiunneqassaaq. Tamatuma saniatigut nalunaa-rutinik, akuersissuseeriaatsit aamma ingerlatsinissamut akuersissutinik malitseqartitsinissamut periutsimik suliaqarnissamut kiisalu NUNA-GIS-imi suleriaatsimik atuutsit-silernissamut allaffissornikkut suliaqarnissaq annertoq pisussaavoq.

Sakkortuunik misigisassarsiorluni takornariaqarneq: Ser-mersuarmi aammalu Kalaallit Nunaanni inuilaarsuarni paa-sisassarsiorluni angalaarnerit, Kalaallit Nunaat ornigassatut annertoorujussuarmik tusaamasaatigilertarpaat, kisianni amerlanertigut aningaasartuuteqarfiungaatsiartarput aam-malu pilersaarusiortarneri imaannaasarnatik. Pisuni amer-lasuuni angalanissamut assartuinissamullu piareersaaner-mut suliassanut imaluunniit sermersuaq itivillugu ingerlaar-nermut atatillugu suliaqartuusut najukkameersut isertita-qarluartarput. Paasisassarsiorluni angalanerit siviisoorsuarmik pilersaarusiornissamik pisariaqartitsiviusarmata, aaq-

qissuussisut amerlasoorsuarnik aningaasaliisariaqartarlutik aammalu peqataasut piareersarluartariaqartarlutik, akuersissutinut piumasaqaataasunut Nunamut Namminermet, Avatangisinit Pinngortitamullu Naalackersuisoqarfimmit tunniunneqartartunut tunngatillugu periarfissat patajaatsuunissaasa tatiginartuunissaasalu qulakkeerneqarnissaat pingaaruteqarpoq. Paasisassarsiorluni angalanermi takornariaqarnerup ineriartortinneqarnissaa, suliassaqarfinni makkunani aallussilluni suliniuteqarnikkut pitsanngorsarneqarsinnaavoq:

1) Sulianik suliarinnitarneq eqaatsoq

Timersorluni paasisassarsiorarnernut tunngatillugu suliassanik suliarinninnermut piffissaq atorneqartartoq maannakkut sapaatit akunnerinut arfineq pingasunut sivilissusiligaavoq aammalu paasisassarsiorluni umiarsuarmik takornariarnernut sapaatit akunnerinut 12-inut sivilissusiligaalluni. Suliassanik suliarinninnermut piffissami atorneqartumi ilaatigut Politiini aamma Grønlands Kommando-mi tusarniaanerit piffissartornangaatsiartut ilaatinneqarput.

Takornariartitsisarnermik suliaqartut suliassanik suliarinnitarnerup pilertornerunissaa assigiissaarneqarnerunissaalu kissaatigaat, makkulu aallunneqarnissaat kissaatigalugu:

- a) "Fast track" uteqqittartunut peqqusissutinik unioqqutitsinermik takussutissaqartitsiviunngitsunut.
- b) Suliaqartuusunut sumiiffimmi ataatsimi aammalu ukiut arlaqartut aalajangersimasut iluanni uteqattaartumik paasisassarsiornermik assingusunik ingerlatsisartunut akuersissutit tullerriaartut.
- c) Qinnuteqartut qinnuteqarnissamut piumasaqaatinik eqquutsitsinngitsut, qinnuteqaatip tiguernerit sivilisnerpaamik sapaatit akunerisa marluk iluanni allaffissornikkut itigartitsissutaasinnaassapput.
- d) Suliassanik suliarinninnermut isumalluutit pisariaqartut qulakkeerniarlugit akuersissutinut atuisunik akiliisitsisarnerup naleqqussarneqarnissaa

2) Tikikkuminassuseq

Piumasaqaatit, qinnuteqarnermi periutsit, qinnuteqarnermut immersugassaq pillugit paasisuttissat Kalaallit Nunaanni takornariartitsisarnermut nittartakkani attuumassuteqartuni pissarsiarineqarsinnaassapput – immaqa nanoq.gl attavigisassanngorlugu iserfigineqarsinnaassalluni.

3) Pinngortitamik atuinissamut maleruagassat

Takornariartut amerliartuinnarneri ilutigalugit pinngortitami angalanissamut maleruagassaqartitsinissamut pisariaqartitsivoq. Maleruagassat tamakku suliarinnissaannut katersornissaannullu aqqissuussamik suliarinninnissaq aallartissaaq, taamaalilluni takornarianut pissarsiarineqarsinnaanngortillugit.

Piffissami 2012-imiit 2015-imut periusissatigut suliniuteqarneq:

Inatsisit: Takornariartitsisarnermi kiffartuussutit ilaannut Inatsimmut inatsisiliorneq, nalunaarusiorneq oqaaseqaatiliornelru Inuussutissarsiornermut Suliffeqarnermullu Naalackersuisoqarfik suliarinnittuavoq.

Tamanna inuussutissarsiorlut takornariartitsisarnermi periarfissiissutiminnik immikkuullarissunik ineriartortitsinissaannik aningaasaliisarnissanillu periarfissinniarlugit pisarpoq, soorlu assersuutigalugu tammajuitsussanik aallaaniarneq, heliskiing aamma inuilaarsuarmi tammaarsimaanerit. Inatsisip akuerineqareernerani atuutsitsilernissamut sapinngisamik pitsaanerpaamik tunngavissaqarnissaaq qulakkeerniarlugi 2012-imi soqutigisaqartut akornanni tusarniaanerit ingerlanneqassapput.



9.0 Periusissatigut suliniuteqarnek – misigisassarsiornermi inuussutissarsiornek

Misigisassarsiornermi inuussutissarsiuṭitini suliassaqarfiit sammisassaqtitsisartut arlallit ilaapput. Tamakku tassaapput nipilersorneq, isiginnaartitsisarnek, qitinneq aamma atuagalerineq filmilerinerlu, TV & radio, ilusilersuineq, assasorluni eqqumiitsuliornek aamma timersorneq. Misigisassarsiornermi inuussutissarsiuṭit Kalaallit nunaata nunani allani tusaamasaalluarneranut iluaqutaapput, peqatigisaanillu kaaviiaartitaqalernissamut naleqarnerulersitsinissamullu periarfissaqarlualersitsillutik.

Ilisarnaasiilluni nittarsaassinermi aallussiffiusumik suliniuteqarnermi, Kalaallit Nunaanni inuussutissarsiuṭit sammisassaqtitsiviusut ilisimaneqarnerulernissaasa siammarterneqarnissaannut ataatsimoorfeqarnissaq qulakkeerneqassaaq. Nipilersukkat, filmiliat, ilusilersuinerit il.il. Kalaallit Nunaanneersut tuniniarneqarnerisa annertunerulernerat taamattaq takornariartitsisarnermik suliassaqarfimmuṭ illuatungeriinnut iluaqutaasussaavoq, taamaalilluni Kalaallit Nunaata ilisimaneqarnera siammarterneqartussaamat. Paarlattuanik Kalaallit Nunaannut takornariartartut amerlanerulerneranni, misigisassarsiornermi tunisassiat tuniarnissaannut Kalaallit Nunaanni niuerfik annertunerulersineqassaaq. Peqatigisaanik Kalaallit Nunaata nunami namminermi tuniniaalluni nittarsaanneqarnera tunisassiat Kalaallit Nunaanneersut allat saq-quminerulersinneqarnerannut atorneqassaaq, assersuutigalugu inuussutissat, ilusilersuinerit aamma amernit tunisassiat, tamattaq nuna suliffigissallugu aningaasaliiffigissallugu pilerinaateqartut saq-qummiunneqassalluni. Nunap pitsaasumik ersarilluartunngortinneqarnissaa nalinginnaasu-



mik siunertaavoq, suliassaqarfiit akimorlugit assigiimmik oqaluttuarineqartassalluni, taamaalilluni ersarissuunissaa sapinngisamik annertunerusoq anguneqassalluni.

Suliassaqarfiit sammisassaqtitsiviusartut kaaviiaartitaat aammalu takornariartitsisarnermik inuussutissarsiorṭut imminnut iluaqusiisarnerat nalileruminaappoq. Kalaallit Nunaanni misigisassarsiornermi inuussutissarsiorṭunik nalunaarsuineq aallartinneqarpoq. Nalunaarsuineq tunngavigalugu Kalaallit Nunaanni Naatsorsueqqissaartarfiup suliassaqarfinni sammisassaqtitsiviusartuni kisitsisit aamma isertitat kiisalu suliassaqarfimmi sulisuusut amerlassusii pissarsiarisinnaassavai.

Inuussutissarsiuṭit ineriartortinneqarnerat tapersersorniarlugu aammalu ataasiakkaani isertitaqarnek annertusitinniarlugu, assasorlutik inuussutissarsiorṭut suliassaqarfimmi piginnaanngorsaanissamut annertuumik soqutiginnertik oqariartuutigaat. Pikkorinnerulersitsiniarneq taanna nunap immikkoortuini ineriartortitsinissamut periusissap, kommuninertortitsinissamut kissaataannik periarfissaannillu tapersiisussap RUS-ip ataani suliniutinut atatinniarneqarpoq.

Ukiuni pingasuni tulliuṭtuni suliniuteqarnermi Kalaallit Nunaanni inuussutissarsiuṭit sammisassaqtitsiviusartut nunanit tamalaanit ilisimaneqalernissaasa siaruarterneqarnissaat aallunneqassaaq, aammalu tamanna aqutugalugu inuussutissarsiorṭut kaaviiaartitsisarnerat annertusarniarneqassalluni. Tamatuma saniatigut Kalaallit Nunaanni attaveqatigiinnik pilersitsineqassaaq, inuussutissarsiuṭit sammisassaqtitsiviusartut pikkorilluartumik ingerlalernissaannik tapersiisinnaasumik aammalu nunami namminermi aamma nunani tamalaani isumassarsiorṭarnissamik paarlaatseqatigiinnissamillu isumaginnissinnaasumik.

Piffissami 2012-imiit 2015-imut periusissatigut suliniuteqarnek:

Misigisassarsiorṭarnermi aningaasarsiornek: Misigisassarsiornermi inuussutissarsiuṭit ersarinnerulersinniarlugit Inuussutissarsiornermut Suliffeqarnermullu Naalakkersuisoqarfiup GER-mut nalunaarsuiffik aamma Kalaallit Nunaanni Naatsorsueqqissaartarfik suleqatigalugit suliassaqarfinni ataasiakkaani misigisassarsiornermi inuussutissarsiuṭinut ilaasuni nalunaarsuinermik suliaqarniarpoq.

Visit Greenland-ip Kalaallit Nunaata tuniniaalluni nittarsaanneqarnerani kulturikkut misigisassat annertunerusumik ilaattinniarpai, ilanngussinermilu tassani Kalaallit Nunaanni eqqumiitsuliornermut aamma kulturimut ilisimasaqarnerup siaruarterulernissaa qulakkeerneqassalluni.



10.0 Periusissatigut suliniuteqarnek – kisitsisitigut paasissutissat/uppernarsaatit

Takornariaqarnerup ineriartornerata paasisimaarinissaa taamaallunilu Naalakkersuisut suliassaqarfimmi suliniuteqarnerisa pitsaanerusumik naliliiffigineqartalernissaa qulakkeerniarlugu, paasissutissanik uppernarsineqartunik qularnaatsunillu peqarnissaq pisariaqartinneqarpoq. Maanakkorpiaq Kalaallit Nunaanni takornariat nunamut tikittartut ataatsimut katillugit amerlassusii pillugit imaluunniit takornariatitsisarnermit nunami namminermit naatsorsuutitut iluaqusiisarnermut kisitsisinik eqqoqqissaartunik pigisaqartoqanngilaq.

Kisitsisitigut paasissutissat: Unammilligassartaasoq ilaatiqut tassaavoq timmisartumut ilaasut pillugit kisitsisitigut paasissutissanut taamaallaat ilaasut Air Greenlandimut ilaalutik tikittartut aallaavigineqarmata. Tulliullugulu nalunaarsukkanut taamaallaat mittarfimmumut akitsuut akilerneqartoq aallaavigineqarmat. Taamaaliornikkut akitsuut takornarianit imaluunniit angalasunit maani nunami najugaqartunit akilerneqartoq pineqarnerisooq immikkoortinneqarnek ajorpoq.

Tamatuma saniatigut, akunnittarfinnit, unnuisarfinit il.il. nalunaarutigineqartunik aallaaveqartumik, unnuisartut pillugit kisitsisitigut paasissutissanik Kalaallit Nunaanni Naatsorsueqqissaartarfik saqqummersiussisarpoq. Tassani unammilligassartaavoq takornariat amerlasuut sumiiffinni naatsorsueqqissaarnermi ilaatinneqanngitsuni unnuisarnerat. Tamannarpiaq peqquqatigalugu aamma takornariat unnuisimasut eqqoqqissaartumik amerlassusii saqqummiunneqarsinnaanngilaq. Taamaammat Danmarkimut aamma Islandimut aqquqtaasartuni timmisartumut ilaasunut tunngatillugu pisariitsumik piviusunngortikkuminartumillu paasissutissanik katersinermut periutsumik ineriartortitsinissaq pisariaqartinneqarpoq.

Umiarsuarnik takornariartaatitut tikittartunut tunngatil-

lugu, taamattaq taakku umiarsuarmi takornariartaammi ilaasuminnut tamaginnut akitsuummik akiliigaangata, ilaasut amerlassusiinut aammalu ilaasut suminngaaneerfiinut kisitsisitigut paasissutissat pissarsiarineqartarput.

Taamattaq piffissami periusissap atuuffissaani siunnerfiuvoq takornariaqarnermi naatsorsuutunik (Tourism Satellite Account - TSA), nunami namminermit naatsorsuutini ataatsimoortuni ilaangussassanik suliaqartoqassasoq, tassani takornariatitsisarnerup inuiaqatigiit aningaasarsiorneranut iluaqutaanera ersarissarneqassalluni – aammalu nunanut allanut sanilliunneqarsinnaalissalluni. Takornariat amerlassusiisa tamakkiisunngorlugit aammalu TSA-p pigilernerani aamma takornariap ataatsip Kalaallit Nunaanni qanoq amerlatigisunik atuisarnera malinnaaffigineqarsinnaalissaaq. Taamattaq BNP-mut takornariaqarnerup sunniuteqarnera inuiaqatigiit aningaasaqarneranni takuneqarsinnaalersinriarlugu annertunerisumik suliniuteqarnissaq pisariaqarpoq.

Takornariat pisiortoriaasiinik, soqutigisaannik aammalu naatsorsuutigisaannik ilisimaarinninnissaq, tuniniaalluni nitarsaassinerup aamma tunisassianik ineriartortitsinerup siunnerfeqalersinniarnissaannut pisariaqarpoq.

Piffissami 2012-imiit 2015-imut periusissatigut suliniuteqarnek:

Kisitsisitigut paasissutissat/uppernarsaatit: Takornariatitsisarnermik inuussutissarsiornermi sunniuteqarluartumik aqqissuussaaneramik alapernaarsuinissaq qulakkeerniarlugu. Kalaallit Nunaanni Naatsorsueqqissaartarfik, Visit Greenland aamma takornariatitsisarnermi inuussutissarsiortut suleqatigalugit takornariatitsisarnermut naatsorsuutit suliarineqassapput. 2012-imi aallaaviusussanik misissuineq aammalu siunissami kisitsisitigut paasissutissanik katersisarnissamut pilersaarut suliarineqassapput.

Periusissat piviusunngortinneqarnissaat qulakkeerniarlugu ukiumoortumik nassuiaat suliarineqartassaaq, tassani allasimassalluni ukiuni tullerni suliniutit qanoq suliarineqassanersut. Ukiumoortumik naliliinerup inerneru www.nanoq.gl-imi aamma www.greenland.com-imi tamanut pissarsiarineqarsinnaasunngortinneqartassapput.

Piffissap periusissat atuuffissaata naanerata kingorna naliliineq suliarineqassaaq makku sammeneqarlutik:

- Takornariat amerleriarnerat
- Takornariamut ataatsimut kaaviiartitat amerlinerat aamma isertitat amerlanerulernerat
- Suliffissat amerlanerusut (ukioq tamaat)
- Iliuusissat pilersaarutigineqartut piviusunngortinneqarnerat

